



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

| | | |
|------------|-------------|-------------|
| Vrsta dok. | Izdavač | RB |
| DOP | 2 01 | 5008 |

Strana:
1 od 1

Broj protokola: 02-104-F-6449-21/19

INTERNO - SVI

DATUM: 26.11.2019

PRIMALAC: M.A.R. d.o.o. Zenica
ARTIKA d.o.o. Sarajevo
RIKET d.o.o. Sarajevo

PREDMET: Obavijest: Nabavka robe - Mašina za pakovanje u kuhinji i cateringu

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Mašina za pakovanje u kuhinji i cateringu, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača M.A.R. d.o.o. Zenica za nabavku predmetne robe.

S poštovanjem,

DIREKTOR

Armin Kajmaković

DOSTAVLJENO:

1. Naslovu
2. Sektoru za PKO poslove
3. Sektoru komercijale

DOP UP 01-3 01 01 Dopis, 2. izdanje/Rev 3



| | Tel | Fax | E-mail |
|-------------------|----------------------------------------------------------------------|------------------|----------------------------------------------------------------------------------|
| INFORMACIJE | +387/ 33 289 100 | +387/ 33 289 355 | info@sarajevo-airport.ba |
| DIREKCIJA | +387/ 33 289 200 | +387/ 33 289 201 | direkcija@sarajevo-airport.ba |
| OPERATIVNI CENTAR | +387/ 33 289 120 | +387/ 33 766 841 | ppc@sarajevo-airport.ba |
| FRANŠIJE | +387/ 33 289 162 | +387/ 33 289 234 | franchise@sarajevo-airport.ba |
| KOMERCIJALA | +387/ 33 289 177 | +387/ 33 289 154 | comdept@sarajevo-airport.ba |
| WEB | www.sarajevo-airport.ba | | |



| | |
|---------------------------------------------|-------------------|
| UPRAVA DRUŠTVA | Strana: 1 od 2 |
| Broj protokola: 02-1-04-7-6449-20/19 | JAVNO |

Datum: 22.11.2019. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za nabavku robe: Mašina za pakovanje u kuhinji i cateringu, imenovane Rješenjem broj: 02-1-04-7-6449-8/19 od 07.11.2019. god., Uprava J.P. Međunarodni aerodrom "SARAJEVO" d.o.o. Sarajevo na 123. sjednici održanoj dana 22.11.2019. god., donosi

O D L U K U

I

Prihvata se ponuda ponuđača M.A.R. d.o.o. Zenica, broj: 02-11/19, zavedena na protokol Naručioca pod brojem: 04-6-04-7-6449-16/19 od 08.11.2019. god., za nabavku robe: Mašina za pakovanje u kuhinji i cateringu, koji je ponudio cijenu za navedenu nabavku u iznosu od: 14.950,00 KM (slovima: četrnaesthiljadadevetstopešdeset KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu, originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Mašina za pakovanje u kuhinji i cateringu, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6449-3/19 od 02.10.2019. god., a Rješenjem o imenovanju komisije, broj: 02-1-04-7-6449-8/19 od 07.11.2019. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-755-3-91/19 od 10.10.2019. god. Do ostavljenog roka za predaju ponuda, 08.11.2019. god., do 12,00 sati, na adresu Naručioca ponude su dostavila 3 (tri) ponuđača, i to: ARTIKA d.o.o. Sarajevo, RIKET d.o.o. Sarajevo i M.A.R. d.o.o. Zenica.

Na javnom otvaranju ponuda, koje je održano isti dan u 10:30 sati, uz prisustvo predstavnika ponuđača RIKET d.o.o. Sarajevo, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Ponuda ponuđača M.A.R. d.o.o. Zenica dostavljena je u skladu sa uslovima zahtjevanim Tenderskom dokumentacijom te je ocijenjena formalno - pravno, tehnički i računski ispravnom i prihvatljivom za Naručioca.

-Pregledom ponude ponuđača ARTIKA d.o.o. Sarajevo, Komisija je konstatovala da ponuđač nije dostavio ponudu u skladu sa tačkom 2.1 pod d) Tenderske dokumentacije u kojoj je jasno naglašeno da je neophodno dostaviti Tehničku specifikaciju koja odgovara zahtjevanom. U ponudi nije navedena maksimalna dimenzija mašine, kao ni maksimalna težina mašine i efektivna potrošnja po kW/h.

Imajući u vidu naprijed navedeno, Komisija je ovu ponudu ocijenila tehnički neispravnom i neprihvatljivom za Naručioca.

-Pregledom ponude ponuđača RIKET d.o.o. Sarajevo, Komisija je konstatovala da ponuđač nije u potpunosti popunio Aneks II, tačnije kolonu 3. Obrasca za cijenu ponude, koja se odnosi na zemlju porijekla robe, što je izričito zahtjevano Tenderskom dokumentacijom, tačkom 2.1, pod d) i Aneks-om II, napomena pod 5).

Takođe, dostavljena tehnička specifikacija ne odgovara zahtjevanom, naime zahtjevana je snaga mašine 3,8kW a dostavljena je specifikacija za mašinu od 3,4kW. Nigdje nije navedeno da je mašina na vodeno hlađenje, i nije navedena potrošnja u kW/h, kako je to zahtjevano tačkom 2.1 pod h) Tenderske dokumentacije. Ponuđena mašina prelazi maksimalnu težinu zahtjevanu u Tenderskoj dokumentaciji, dakle ponuđena mašina je teška, a specificirano je da težina mašine ne smije da prelazi 160kg. Dio dostavljene tehničke specifikacije nije dostavljen na jednom od službenih jezika u BiH.

Imajući u vidu naprijed navedeno, Komisija je ovu ponudu ocijenila formalno-pravno i tehnički neispravnom i neprihvatljivom za Naručioca.

Za ovaj postupak nabavke bila je predviđena e – aukcija za kriterij cijena, koja nije provedena, jer je dostavljena samo jedna prihvatljiva ponuda.

S obzirom da je Naručilac izvršio prikupljanje ponuda metodom Konkurentski zahtjev, gdje se, u skladu sa članom 89. stav (3) Zakona o javnim nabavkama dodjela ugovora može izvršiti u slučaju prijema samo jedne prihvatljive ponude, to je Komisija ocijenila da postoje uslovi za nastavak postupka nabavke predmetne usluge.

Vodeći se gore navedenom činjenicom, te činjenicom da ponuda ponuđača M.A.R. d.o.o. Zenica, za nabavku robe: Mašina za pakovanje u kuhinji i cateringu, u cjelosti ispunjava uslove date u zahtjevu za dostavu ponude uz ponuđenu cijenu od: 14.950,00 KM (slovima: četrnaesthiljadadevetstopedeset KM), bez PDV-a, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo je na 123. sjednici održanoj dana 22.11.2019. god., razmotrila dostavljenu preporuku Komisije, te je, nakon uvida u cjelokupno provedeni postupak, istu prihvatila.

Imajući u vidu naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 89. stav (3) a u vezi sa članom 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a

DIREKTOR
Armin Kajmaković

